

Coci lu sulì

Coci lu sulì riparu nun haiu,
mmenzu a 'sta campagna ca pari 'n disertu:
-lu sulu travagghiu, iu sulu e lu sulì!

Li casi luntani ca parunu finti,
nenti si senti, nè jaddi e nè jimenti,
lu cauru sicca la lingua e li spaddi.

La frunti surata sutta lu cappeddu,
di pagghia c'abbrucia la terra e la menti,
nun ciuscia mancu un tintu punenti.

La schina spizzata, li vrazza trimanti,
ritornu a li casi co' sulì calanti:
-Ogni jornu 'sta vita di vai e di stenti!